

陳宗之嘗理宗慶寢初于杭州睦親坊賣書聞韓稼陳解元書坊性嗜詩又喜從士
夫遊一時名流往往來輦下者多有酬贈之什趙紫芝五律云每當名士飲屬索老
夫吟鄭五五古云讀書博詩趣鬻書奉親歡黃佑甫五律云万卷書中生一
生閒表身業經翁七律云隨車為有書十卷撥向君家賣却歸合觀曰時四公作其
人畧可知矣所列有後後諸家詩集不謂江湖集者擬拾遺詩用心良苦時夫彌
遠當因宗之有詩衣濟邗而謂政府殊遠見之夫怒下吏速治譬江湖集板坐依配
直至史殘詩禁方解江湖集宗未已不傳余從朱氏潛來坐傍抄宋人小集二
十餘種大抵即江湖派也拾遺五卷想亦同時編輯由中間亦有北宋人詩數首
或其人自有專集傳世偶錄數篇者要足隨手抄撮不復持擇云

康熙甲午十二月查慎行書

時年六十有五



前賢小集拾遺卷第一

錢唐陳起宗之編

寄衣曲

許志仁 信叔

貂裘雖云溫非妾手中跡唯此萬里衣一針三嘆息
嘆息恐人聞縫時常避人開緘勿嫌澆中有雙泪痕
江南十月鴈初飛邊地終秋塞艸衰衣成妾手君寧
見寒到君邊妾自知寄書問征夫好在何當還西風
吹妾夢夜度魯陽關

妾薄命

雙雙林間鳥雌雄相並栖驚風忽吹散各自東西飛
妾意如斷絃斷絃猶可續君心似流水流水何當復

NATIONAL CENTRAL LIBRARY, TAIWAN, R.O.C.



何當復又是空房將泪宿

和姚令威春晚即事

卧看游絲媚遠天起尋幽徑却茫然句成落絮飛蒼
裡心在殘霞夕照邊無復双鱼傳尺素空餘寶瑟思
華年老來情味人應笑白首傷春只醉眠

東門行

許彥國

東門楊柳暗藏鴉東門行客欲離家樹頭春風艸頭
露鴉自不飛人自去妾家南浦桂為堂房擺瑤玉簾
夜光沉炉烟多倚羅重水檻風入笙簧凉欢娛未畢
車輪遠方寸秋絲絲百繭願即功業落人間長使春

閨女無怨

采蓮吟

湖邊日落鴛鴦飛羅衣香轉蘭舟移蓮根斷處手滿
絲手滿絲不能理秋雲深隔君子

臨高臺

高臺跨崇岡簷宇鎖空霧新晴洗矓目千里在跬步
霏：漁浦煙冉冉富春樹風花不我私何以理愁緒
誰疏白玉窓中有浮雲度浮雲吹不開不見行人去

漁父曲

李元應 新

黃蓑老翁守釣車賣魚得錢還酒家醉中乘潮過別

浦睡起不知船在沙籬根半落秋江水稚子蓬頭採
洲汕萼綠芹甲滿筠篁日暮谿橋得紅米

折楊柳

東風來何時遲一作百花已飄零獨餘堤上柳慘淡舍
春榮扁舟渡何遠延客江上亭願無青玉案何以送
子行攀條欲相贈上有雙流鶯流鶯正求友奈此別
離情

食河豚

周晞稷 承勛

君不見楚王渡江萍如日剖而食之甜似蜜河豚本
自食楊白花結浮萍結寔又不見越王食鱸遺其
餘中流化作王餘魚河鮑本是當年物尚帶西子胸
前酥春江搖波向暖萋蒿蒙茸芦笋短嫩肥初破
鬢裙重膩白細挑羊脰滿嗟予二年由江城嗜此不
去遲吾行鮪鮮便覺官可棄鴈羨却得人呼卿隣翁
劝我知机早有毒傷人如鴆鳥世間万事是机穽此
外傷人亦非少我生有命懸乎天飽死終勝飢垂涎
君看子美牛炙死若死炭武尤可伶

杜宇

四海常為客三春却倦游能飛歸不得雖去有何求
故園千年恨行人万里愁年來風過耳無泪與君流

繫冠船蓬自戲

竹皮狗尾粗，爛班神席門前具。已闌每恨誤身誠，可
溺殆將苴履不須彈。數莖漸竟勝簪怯，一免當知渡
冠難柱。後惠文非所志，寧送子夏季酸寒。

野步

吳思道可

密竹藏啼鳥，荒村起白烟。人行秋色裡，家在夕陽邊。

病酒

無聊病酒對殘春，簾幙重更揜。門細雨斜風花落，
盡小樓人下。欲黄昏。

小醉

小醉初醒過竹村，數家殘雪擁籬根。風前有恨梅千
點，溪上無人月一痕。

次韻劉元舉子規

蜀魄悲鳴楚國春，試憑清些與招魂。柔腸欲斷雲橫，
嶺幽夢初回。月挂村客舍，花光隨野水。故園柳色負
柴門，飽聞錦里無窮樂。早晚歸來訪子孫。

湧金池

湧金春色晚，吹落碧桃花。一片何人得，流經十萬家。

絕句

僧法真

燒燈過了，客思家。獨立衡門數暝鴉。燕子未歸梅落

盡小窗明月屬梨花

僻居

康伯可 与之

巷僻過從少柴門
盡日閑鶯聲常在柳雲影不離山
有道難言難難貧未厭閑
川原烟四暝春思有無間

鷺

春暗汀洲杜若香
風標公子白霓裳
碧天片雪忽飛去
何處人家水滿塘

琵琶

夜深琵琶聲似裂
一曲霓裳一庭月
曲終人影在西塔
困倚東風步搖折

可惜

簾幕重下玉鈎
隔簾春在柳梢頭
東風着意相料理
吹去楊花不自由

婆餅焦

惠茂吉 迪

夢破一聲婆餅焦
吳音未穩帶春嬌
不禁風力送飛去
却引餘音過別條

客愁

魯公卷 行

客愁如蜜絲一攪
成萬緒秋風不可奈
又到庭前樹
秋風自有時客子
愁無期不如飲美酒
誦促山中詩

長歌行

鄧送範 世模

若木無停陰積石無還流葵藿變旦莫蟋蟀疑春秋
寸晷輕尺璧神功寧九州仰思坐待旦禮樂隆成周
君子不可間努力崇嘉猷當思竹帛載不為鬢髮羞

短歌行

天東樹燭尾光景照四溟羲和攬尾轡鞭策日夜征
露華以春暉霜葉當秋零危柱無弱弦急轅無留旌
華髮不再綠彫顏寧重榮良辰足行樂羈旅難為情
烏程有美餉為人駐顏齡玉指陳蘭藉歌鍾向鸞笙
短章可娛日意氣聊相傾

烏夜啼

碧烟障樓天欲暮飛烏夜集燕城戍雲外畢逋銜尾
來月明膈膊同枝語樓中有人鞞机杼玉笙怨咽凝
江霧惆悵幽悽夜未闌挂樹秋風蘭葉露

次韻曾端伯晚過青山

李子牧 枚

恹底塵勞破青山在眼中竹橋低跨水林磬小鳴風
半嶺暮雲碧一村霜葉紅禪枝栖衆鳥回首意無窮

題湖上壁

周少隱 紫芝

寒食風埃滿客中西湖烟雨送愁頻日高未起烏呼
夢春晚不歸花笑人

白苧歌

蒼尤通用
古韵也

大垂手小垂手江南白苧世希有吳姬十指玉纖
白苧新裁舞衣小秋江四面繞吳宮吳宮霜橘樹
紅吳王夜宴不知曉但見紅日昇瞳眈美人低鬟渡
回袖持酒獻君君一笑人生得意不行樂白日如梭
夜催晷吳山依舊吳江清離宮故苑難為情不知誰
遣南山鹿還向姑蘓臺下行

蓼花

無名氏

系紅間白汀洲晚拜雨揮風江漢秋看誰耐得清霜
去却是芦花先白頭

絕句

無名氏

行到山深處臨流一兩家也知春色好隨分種桃花

題画扇

李子長
庚

睡起小樓春又殘半垂雲袖傍欄干楊花飛過鞦韆
索一陣東風作曉寒

送陳邦直知縣

王民瞻
庭珪

道邊車馬來不休傾城出送陳太丘太丘愛民如父
母故令民作嬰兒愁各持盃酒塞行路衆人欲挽我
獨不我記殿前初射策牖傳高名落九州同年袞
上臺省公獨執板拜督郵况兹小縣天一廩不煩細
民遮道留綉衣飛章動冕旒行必召对螭坳頭君王

端問活國計大略要洗儒生羞

和刘美中尚書聽寶月彈桃源春晚

何年鑿源開混沌桃花兩岸吹紅香烟消遠浦生微
陽漁舟誤行溪水長溪回岼轉山隙光疑有絳闕仙
人房居民爭出羅酒漿花間笑語音琅琅抱琴釋子
肩髮蒼響泉韻磬鳴長廊能彈往事悲孟嘗昔時臺
沼今耕桑又如勇士赴敵場坐令遊子思故鄉清猿
抱木号鴻荒孤吟劃見丹鳳翔曲終待月西南廂重
調十指初不忙如見古畫秦衣裳春天百鳥爭頡頏
桃源歸來今已忘彈到落花空斷腸

謝張欽夫季士惠灵寿杖

九疑連綿青未了柳江擘出蛟虺吼雷公霹靂搜岩
幽化為鬱律黃蛇走飛電迸火出奇節黃蛇起立僵
如鉄携看玉女洗頭盆挂上九疑探禹穴莫挑馬箠
渡黃河莫扣天門闔者訶但掛百錢時一醉泛教風
雨濕漁蓑青錢學士方年少年少羞為老人調即看
飛步上蓬瀛別有青藜夜相照

題宣和御畫

玉鑲宮扉三十六誰識連昌滿宮竹內苑寒梅欲放
春龍池水暖鴛鴦浴宣和殿後新雨晴兩鵲飛來東

向鳴當時盡手貌不成君王笔下春風生長安老人
眼曾見萬歲山頭翠華轉恨臣不及宣政初痛哭天
涯觀畫圖

閏月二日清坐

章冠之甫

淮海秋風日紫荆老病夫詩同窮處得愁到醉邊無
俗物妨青眼浮生喜白鬚繩床供午寢清夢落江湖

山行

江行風浪惡石路僕夫勞一水几回度亂山無數高
村醪清似鏡早稻細如毛愁聽田家語令人首屢搔

寄荆南故人

餘生自判一虛舟未害尋詩慰客愁梅欲飄零猶醜
藉柳終依約已風流關心弟妹無黃犬入夢江湖有
白鷗別後故人相念否東風應倚仲宣樓

湖上吟

誰家短笛吹楊柳何處扁舟唱采菱湖水欲平風作
惡秋雲太薄雨無憑近人白鷺麾方去隔岸青山喚
不應好景滿前難著語夜歸茆屋望疎燈

夏夜書所見

吳虞賓 伯凱

吳牛見月喘引重不得休孤螢出露艸意行凌九秋
形大苦見役物微長自由世無漆園吏持問逍遙遊

牧兒

磊塊胸懷漫不平
牧兒橫州藉功名
韓彭不戴貂蟬
死牛背斜陽且意行

絕句

無名氏

太乙峰前是我家
滿床書籍舊生涯
春城戀酒不歸
去老却碧桃無限花

白紵詩

李仲南 丙

嬌如花^白如玉
越溪女兒十五六
光風入簾睡初足
起畫修眉遠山綠
飛香走紅三月心
一声白紵千黃
金高堂客散燈火深
醉鬟斜釵夜沉

夜：曲

玉葱結怨歌幽
獨絃絕
鸞膠几時續
銅瓦漏促春夜
長冷雨酸風亂心曲
閑熏翠被鬱金香
拂拭綉枕屏
山綠飛乳燕
歸不歸
寂寞流蘓帳前燭

奉題周南仲正字所藏閣立本畫蘓李別

朱子大 丙

少卿昔在河梁別
執手踟躕不能發
萬古初傳五字
詩努力相期在明德
子卿海上羶為食
故人竭來重
相覲不覺看羊度
歲年却因射鴈傳消息
人間此是
長別離
少卿在虜子卿歸
欵尚握漢臣節
留者水

衣胡人衣天長地濶半尺絹滿眼雲愁風景變一人
仰叫頭脫冠一人橫涕^裏裹着面瀾君國相稱昼師未
必想像能尔奇前身恐是胡婦子曾見兩公分袂時

采菊亭

朱介然 豈

霜降艸花落林柯亦紛披耿々園中菊煌々發幽姿
良夜積華露花葉繁以滋風流美使君澹然与花期
黎旦曳杖去採掇訖忘疲佳色弥清與明艷侔晨輝
雅尚已千載神交此一時秉芬寄遐想載詠閒居詩
氣清秋改容景晏山益竒佳處要領略忘言心自怡
客來無可語坐見花陰移夕英浮凍体痛飲須反卮
歸來北窓下古風良可追

送空上人

僧蘊常 不輕

過了梨花春亦歸小窻新綠正相宜白頭更作西州
夢細雨青灯話別離

天竺道中

紫蘭含春風日暮香更遠澗道水千尋曲折渡清淺
飛蒼當面墮顛倒落苔蘚念此芳意闌歸思絲莫遣

別蘓恭直

老去難為別愁邊更着秋碧芦園野水落日滿行舟
鴈斷西風急天寒古寺幽西鄉無百里能寄短書否

醉歌

徐公餗珩

得誰釀法乃尔佳連引數盃極口誇須臾忘物亦忘
我是非榮辱不可加兒童相隨拍手笑阿翁醉也扶
歸家平生故人趙半刺遣騎折送園中花插花飲酒
不待勸夜如何其月欲斜倒著接羅自起舞笛声趁
拍鼓三槌陶陶兀兀意有得小姬在傍護髻可驅令
磨墨具紙笔滿幅大州飛走地婦云汝醉當止矣明
日酒醒不媿耶

贈閣門潘舍人

清蹕声中玉筍班五雲光裡侍

客

天顏至尊端拱通明殿上閣來從飯顆山旄節行將
千騎去鬢鬚全未一根斑朝迴兩袖香烟滿應有詩
留雉扇間

和虞智父登金陵清谿閣

葉脫林梢處、秋壯懷易感更登樓日斜鍾阜烟凝
碧霜落秦淮水慢流人似仲宣思故國詩如杜老到
夔州十年前作金陵夢重撫欄干說舊遊

以水石菖蒲贈谷堂孫漕

菖蒲体柔弱孤生幽澗傍澗水不滋短葉踈而黃
物亦有不幸仁者為悲傷願目水石間移植近窓光

探丸起九死，焦捲復翠長。艸木固無知，此心未能忘。

遊洞巖

徐斯遠 文卿

跨馬絕風烟，夜與雲俱宿。彈琴向窻間，微月挂森木。
曉行岩上路，一溪綠淨綠。路窮入其中，溪流貫山腹。
岩淵類天設，石竄疑鬼伏。水從何自來，乃尔瑩心目。
岩前野僧居，種桃滿空谷。惜已過芳時，不見花芬馥。
平生青霞志，恥受紅塵辱。老我茅三間，茲山疑可卜。

南澗小飲夜過景德次仲止韻

嫩柳行邊行未匝，落梅香裡立多時。一杯徑醉歸來晚，江上伶俜瘦影隨。

秋後

種豆山園中，土瘠豆不實。擴收能幾何，倚杖三歎息。
况此山下田，旱久苗葉赤。無豆尚猶可，無禾孰供食。
已孤豐稔望，徒費耘耕力。官吏更索租，真爾從何出。
劇暑不易摧，屢雨方肯低。曉行殘月裏，秋意乃忽淒。
習，風攬樹曳，雲出溪伴我。塵外躅，更有白鷺兒。
節徃四叙，改人老百慮。非策世竟莫，售勤身復奚。為
徘徊發詠，歎蒼茫度荒陂。且歸煮香甌，解此腹中饑。

感興

百穀所成就，乃在搖落時。天欲金玉汝，乃有寒與饑。

寒饑天所賜勿遽令心悲
草玄寂寞濱可予古人歸

送春

綠陰青子漸能佳
楊柳深歲三四鴟
春有餘情無處
着林邊野草亦開花

前賢小集拾遺卷第一

國家圖書館, NATIONAL CENTRAL LIBRARY, TAIWAN, R.O.C.

前賢小集拾遺卷第二

過大浪滩

鄭仁叔克己

急浪吹飛雪，鳴篙破曉滩。
弄鄉人易老，行路古來難。
玉露晨初濕，天河夜不乾。
飄流双鬢白，未有一枝安。

水閣

水閣臨堤晚，簾鉤暖翠通。
睡驚鶯去後，夢到蝶邊空。
春欲從人別，花消昨日紅。
多情湖上浪，拍拍戀東風。

初月

初月當樓動，風簾倚望斜。
光虧微有暈，桂薄不成花。
雲淡明林葉，溪清印岫沙。
去年寒露白，旅食在京華。

水國

水國烟霞客春來始定居老逢人事嬾貧覓日交疎
隙影窺蟾滴芸香散篋書西湖風月好不到一年餘
送中書王舍人使北虜

細馬縷金鞍文星使可汗袖中天詔重帳外即毛寒
烽火燕城急塵沙朔野寬安邊存大体何必斬樓蘭

飄轉

飄轉未歸客風帆不夜舟斷雲依水定薄月帶沙流
香倚黃花岼心清白露秋林鷓棲未穩飛亂北山頭

浙江十六夜對月

急漿浮天闊長江得月遲最憐新缺後全勝未圓時
夜雪潮千尺秋風挂一枝潛蛟易翻動怨笛莫驚吹

架壁

架壁珍藏萬古書世間清絕在吾庐綠甌香破分家
釀曲圃雲潤翦露蔬白日漸隨秋意短故人盡向老
來疎今年種得回蜂菊亂点東籬玉不如

青衫

青衫着破禁中羅楚澤吳江几度過仕宦宛如杯水
淡朝廷空有故人多漁村疎竹明風旆烟浦斜陽起
暮歌欲買田園歸海上此身無奈客愁何

過李老隱居

南渡中興老幽棲日月長
買山供杖屨引水到池塘
習嬾今成癖貪盃剝欲狂
相過舊賓客不換野衣裳
旅中遇故人

雲薄清溪水天寒黃葉風
御閑三載別客路一樽同
舊事如昨日問年俱老翁
相看今古意泪冷菊花叢

別蔣世脩

傳道美闕客尋山向今稽
春風千里別花路寸心迷
天倚吳江闊雲隨禹穴低
蘭亭得遺墨為我好封題

繫纜

繫纜索回浪昏林入暮鷓
水窮人有路天尽客無家
萑葉浮春蟻魚歌隔浦沙
醉眠星斗下尋夢卜年華

憶別

憶別富公子山桃兩度花
人情皆念舊客路不如家
野州連天闊重山抱日斜
寄書無過鴈愁眼眩飛鴉

明月滿庭樹招馬道士

朱濟仲 染

明月滿庭樹與子步清影
參橫北斗低共此良夜永
一從明月缺子即與我別
兩漿泛西江搖蕩万頃雪
明月今復圓子行阿那邊
愛而不可見望空凄然
願子理歸舟復向長安道
快來我庭前趁此明月好

蟻飲研槽歌

晴窓集几風日舒呼童汲水供蟾蜍涓流入研玄穎
濡一蟻蠢々爰來趨須臾十百与之俱前後有行不
訖踰宛若徙穴鼻腐餘想應燥吻唇頰枯清夢思欲
吞江湖搖尾羞作涸轍呼奮迅恰如東海魚物生天
地小大殊飢食渴飲皆同塗矧尔有灵非至愚大槐
南柯名利區一夢而竟驚幻虛尔其聽我毋睚眦爾
吮既沃腹既腴歸安其藏勿浪逋階前群兒政嬉娛
以指劃土糜尔軀

入山二首

雨足溪漲綠風高花委紅天清氣自佳獨步來山中
見竹不敢穿生怕傷籜尾

溪頭浴吾鬚樹底蔭吾影四顧無人來独坐了俄頃
欲去更徘徊夕陽射峰頂

傾城誤人身寄內翰洪文

傾城誤人身嗟哉難具陳請君試側耳聽妾歌其因
妾初未笄季新粧肌理玉雪眉黛長融怡窈窕銷金
裳態濃意遠奪目光當時見者心為狂共謂絕代驚
非常擬思昭陽奉君王三千

繚嫁作蕩子婦空閨獨宿度芳華蓬首亂髮顏色朽

四海十年不相聞一朝歸來新間舊新間舊妾何有
擯妾不使侍箕箒佳人多命薄是事君信否傾城誤
人身古來唯有李夫人延年作歌帝所珍貯之金屋
薦華荀宥光雜還疏弟昆將死掄面由餘息千載不
復見言之涕沾巾傾城誤人身此曲哀怨何可聽

寒夜曲

寒夜：政長愁人背燈立驚風搖竹樹棲鳥墮復集
山空接響多室靜虛白入怡悵不成眠殘鐘曉邊急
題徐禮部家歸去來圖

古木參天叫杜鵑春愁渾在夕陽邊看君此畫還三
嘆憶得西江上水船

黃彥與從無逸求妻埋銘以研謝之無逸邀
予作歌

董瞿老

君不見昌黎翁南遷監覓文章工滑稽戲作毛穎傳
陶泓之族稱弘農又不見東坡翁生涯寄食破硯中
詆訶危尾尊鳳味更誇丹石蒸赤紅古來文士耽翰
墨十有八九坐此窮恠君落筆妙言語四壁才堪蔽
風雨幾年結柳送奴星文窮跳梁推不去研能窮人
君不鄙爾來諛墓得危尾提中十卷不妄覲碑字三
鱗何足擬玉堂視卅乃稱之只恐玄文似楊子君誇

此研文似羅奈君鹿裘帶索何我雖忍窮亦好事尚
能搜句為君歌嗚呼魯公乞米家食粥不費銀鈎寫
珠玉

僕久客錢唐有吹笛月下者同旅聞之凄然
皆有歸思屬令賦之

李器之 達

柯亭之椽不復得蘄州黃竹今尚存蒼崖翠壁產修
榦千頃蕭索烟雲昏羗人眼力發天巧長笛裁成夙
膺飽老瓦餘響出空星欲噴炎天作秋曉西湖夜寂
涼風生山頭一鉤新月明商聲悽悲羽聲壯行子忽
忽難為情時無綠珠清音激皓齒野王臨風三弄亦
已矣唯有愁端無古今桑刀不斷東流水深閨蘭灯
照空床笛聲不如離恨長曲終人散一惆悵回首江
山非故鄉万事浮雲過窳廓且醉盃中琥珀薄君不
見玉管橫吹黃鶴樓江城五月梅花落

題釣臺

潘德久 怪

蟬冠未必似羊裘出處當時已熟籌但得諸公依日
月不妨老子卧林丘英雄陳迹千年在香火空山萬
木秋自實黃塵吹鬢客愛來祠下繫孤舟

送友人游金陵

酒盡譚餘意轉新北風一舸下寒津遙知日下登樓

處正欠黃初着句人往事省來多歲月旧游疎似曉
星辰半山斜日荒涼寺更有殘碑侍拂塵

簡徐判院

夙誼崢嶸昔未親正懸一榻待高人當年曾接東萊
話今日寧嫌比阮貧世味梅花開野水詩情馬首沒
黃塵何時載酒從君去灵鷲峰前借早春

出部

酤酒三家市題詩十里塘薄雲鷗外影空翠馬頭香
出部知無事尋僧有底忙終當成野逸小築近滄浪

歲莫懷舊

白髮將朱顏一去几時返懷哉不能寐展轉復展轉
雀噪曉窓白鷄鳴芳戩晚梅花眼中春故情千里遠

還自錢塘道中

江上青山落照邊江頭歸客木蘭船春鷗自共潮回
去一點飛來是柳綿

自滁陽回至烏衣鎮

行人元不恨長途下馬旗亭酒可沽回首瑯琊山不
見西風吹起豆田烏

鴈蕩道中

千丈岩頭一點紅春風吹落淺莎中山僧倚杖移時

去說似溪邊采藥翁

寒夜

杜子野來

寒夜客來茶當酒竹爐湯沸火初紅尋常一樣窓前
月才有梅花便不同

窓間

炷香爇燭入屏帷金粟樓臺富貴時曉起旋妝花上
露窓間閑寫夜來詩

同紫芝游西山

几番江上凭欄久今在西山裡行天遣得隨三客
後春來無此一朝晴方穿藤蔓尋源去忽見烟霏起
步生幽鳥向人作清啼似應知我有詩成

同紫芝宿雙嶺

本作翠岩遊及成雙嶺翻白雲深山易晚雨過寺如秋
野竹水連青竹殘僧半白頭上方成共宿劇語到玄幽

茗溪

風掠蓬窓兩鬢秋生涯無歲不扁舟吟詩本欲相消
遣及到吟成字、愁

凌歊臺

幾年聽客話凌歊不似臺邊日力遙千古江山猶昨
日六宮歌舞自前朝苔碑有字多漫滅野寺無僧轉

寒窗碧聚雙蛾愁不飲闌干落照重魂消

田家翁姥行

王季行 必達

大兒領犂夫去作家後田小兒專牧牛背歌且眠
大兒有婦謹烹爨翁姥得閑惟飽飯翁時挈耨勞苦
兒姥亦追隨筋力健兒方輟耕吼飢腸願見翁姥喜
莫量尖泥剝落清酒美桑葉裹纒新餅香田頭車靜
雨初足白水盈疇照秧綠翁前語兒莫辭勤指日秋
春要炊玉人言養兒百不憂翁姥養兒一無求只今
未見翁姥福更待鷄肥社醅熟

贈陳宗之

鄭立之 斯立

昔人耽隱約屠酤身亦安矧伊叢古書枕藉于其間
讀書博詩趣鬻書奉親歡君能有此樂冷淡世所難
我本抱孤尚為貧試彈冠欲和南薰琴秋風歛我寒
恬無分外想曠有日畧閑閱書于市塵得君羈思寬
誦其所為詩刻苦雕肺肝陶常淡不俗郊島深以艰
君勇欲兼之日夜唸辛酸京華聲利窟車馬如浪翻
淡粧誰為容古曲誰為彈桐陰覆月色靜夜獨往還
人皆掉臂過我自刮眼看百年遠志耳豈必身是官
不見林和靖清名載孤山

聽悟師彈招隱

黃佑甫 順之

悟師手携清風琴為我再奏招隱吟九原靈均不可
作後人遺恨空沉々令我聽之泪霑襟楚山日落秋
声起古猿啼月空山裡千年愁氣上青楓幽蘭無香
桂華死吾道非耶何至此曲中歷々分明道若怨王
孫負春艸歲晚山中難久留憶君一夕令人老王孫
王孫知不知琴心招君胡不歸下沿湘江之水流上
逐湘山之雲飛一彈一招一太息水流雲飛朝復夕

送葉靖逸

山高積雪明歲序冉以逼佳人抱書去西湖失顏色
清夜独怆慨詩壇夢生棘我有双鯉魚對之不敢食

長門怨

錦瑟新添一歲塵空負百年身建章万户鶯花
好只有長門更不春

贈陳宗之

羨君家闕下不踏九衢塵万卷書中坐一生閑裡身
貧詩宜有債閱世欲無人昨日相思處桐花爛熳春

初寓橫涇

十年泉石夢及此始依然野迥天垂地身閑日抵年
稍欣聞見少漸与土風便分得漁樵席白雲相共眠

題岩壠寺

岩花得雨新如染，古樹懸崖怪欲飛。
日暮溪深人不渡，一雙白鳥傍林歸。

題九曲尼院

曾是霓裳第一人，曲終認得本來身。
多年不作東風夢，閑却薔薇一架春。

釗

撫劍悲歌壯泪流，海清嶽靜世無讎。
匣中幸有容身地，莫遣光芒射斗牛。

覘冷水谷桃花

石家步障久成塵，移作巴山一段春。
惆悵日斜原上路，年年紅雨打行人。

路年：紅雨打行人

峽中山高已牌方見日色

黃叔萬 人傑

上峽扁舟穩，灘平水不波。
山高見日晚，谷遠受雲多。
亂石爭奇怪，幽禽自款歌。
若無詩寫興，奈此景佳何。

日暮

龐佑甫 謙孺

水底晃微霞，孤村古路叉。
稻簷排凍雀，牛背落昏鴉。
行客猶貪路，歸帆未到家。
交遊書札斷，寂寞過天涯。

題渡水羅漢畫

偏袒右肩赤，一疇開顏含笑。
不作惡廣深，莫種金蓮花。
故使浮盃視，雙脚心既忘形。
亦忘怖，徒使旁觀毛。

髮豎本無行止令人圖竟到彼岼歸何處我知畫者
意識真是故古來傳至今亦無此心可得驚亦無此
身可得沉浪頭乘風正得路不動莊炭几時去從今
不往亦不還一幅之間作常住君不聞古人祇作如
是觀請公莫問何以故

郊居九日

樹夾門方正谿侵岼欲墮水搖雲影動風柝鳥聲回
籬缺舟常過庭空客不來故人經歲月又見菊花開

前賢小集拾遺卷第二

前賢小集拾遺卷第三

甲申仲冬侍親由在所還毗陵舟泊村渚

陳君正翹

日暮成孤泊棲遲得小安
雪融沙背露雲拂鴈翎寒
過櫓冰痕薄通村水泮寬
詩情如廢井騰竟起微瀾

曉行

客夢正無憑喧呼睡不能
月移蓬背雪人遠岬頭燈
檣影浮寒水篙聲碎斷水
狸奴渾未覓餘煖戀青綾

夜坐即事遣興

小閣暮雲遠亂山黃葉稀
斗低天軸動霜冷月魂飛

愛客樽常滿，尋詩帶減圍。庭烏繞高樹，游子亦思歸。

寒窓賦

虛室玲瓏別有天，晦明每被物情遷。几番黃葉送秋色，屢對青燈不夜烟。隙小風尖鳴浙瀝，紙輕雪急響清圓。更闌人靜疑無月，且與梅花借月眠。

和元耘軒賦木蕖來字韻

碧樹冤秋池錦帳，迎風開水光曳倒影。矮菊絲興臺春風，木芍藥是花豈雲來。淡粧絕脂粉，獨秀墻之隈。彷彿秦與豨，上馬猶徘徊。持以贈美人，斜插烏雲堆。

便橋泊舟

項宜甫說

身寄一葉舟，擾擾又行役。不知寒衣人，但覓酒無力。霜剝岬石裂，風激水波逆。望眼浩無涯，遠山相對碧。

寄趙紫芝

潘幼明亥

長安獨跨驢，一別二年餘。朝士不能薦，承明空有庐。窓虛桐影薄，擢冷桂花初。莫恠無書札，心親迹任疎。

明妃曲

徐思叔得之

妾生豈願為胡婦，失信寧當累明主。已傷畫史忍欺君，莫使君王更欺虜。琵琶却解將心語，一曲才終恨何數。矇眊胡霧染宮花，泪眼橫波時自雨。尚房莫倚黃金賂，多少尚房棄如土。寧從別去得深噸，一步思

君一回顧胡山不隔思歸路只把琵琶寫辛苦君不見有言不食古高辛生女無嫌嫁盤飴

種梅

史景望 文卿

呼僮耕雲種瑤樹斗挂青冥下風露隔林野鶴不知寒為我飛來復飛去

又

素與梅花自有緣又移几本種庭前鏡中一半閑風月不屬王郎載雪船

惜春

秀麥條桑翦寒錦屏殘夢怯衣單惜春只怕春歸去多挿瓶花在處安

秋詞

寫就秋詞雁影稀背燈無語獨眠遲畫欄點滴芭蕉雨一夜將愁向阿誰

又

桂枝風動小山幽雨過陂池水漫流擬作楚騷吟未了一行新鴈數聲秋

枯梅

樛枝半著古苔痕万斛寒香一點春摠為古今吟不盡十分清瘦似詩人

絕句

無名氏

侍宴黃昏未肯休，玉階夜色月如流。
朝來自覺承恩最，笑倩傍人認綉毬。

春閨怨

吳信父 仲孚

細柳輕煙鎖畫樓，樓中人去水長流。
琵琶聲斷梅花落，別是春風一種愁。

歸舟竹枝詞

無名氏

人鮪甕頭波放顛，兩岸青山青插天。
篙師力盡客破膽，茅屋老翁方醉眠。

武康道中

俞商卿 灝

竹窓聽雨自安眠，不道驚端近屋前。
省得去年挑葉渡水痕，只到樹傍邊。

水心先生墓下作

王希道 汶

排雲上殊庭，備物候神道。
含酸步逶迤，積瘵思遐漂。
乘風來帝旁，駕說落窮島。
百圣集會期，万化資斧藻。
瞻前鳳漂，顧後危矯。
宝璐列中華，韶音被夷獠。
肅：闕里墻萋，墓林艸誰尸。
兩楹夢而復，悲一老曩余。
稚耄蒙今日幸，茹慕超然欲。
徑陳宵尔竟，虛抱育德：何成果行，何造瑪披。
江海流不納，此行潦青松珠露團。
恠石紫烟透千年，万年垂封樹等穿。
吳

寄韓澗泉三首

達人貴適已，脫屣離王廷。袖此轉物手，悅我違俗醒。
晚彼岐山鳥，揚光來青冥。豈其覽德輝，而肯啄腐腥。
翻雲吐嘉音，濯露潔修翎。絲絲世網密，何由覿尔形。
在困多促々，長懷特栖者。崔嵬玉山岑，其誰秣余馬。
朝隨澗雲浮，暮逐澗泉瀉。光儀候神交，晤言異心寫。
食魚不知肥，采菊不盈把。頽垂白日影，照我蔀屋下。
浮榮安可塞，高蹈何恨早。處則為遠志，出則為小艸。
修名隨鳳翔，嘉遯若危矯。棲遲二十年，匪此不世寶。
灑露團紅蘭，涼吹發清昊。同知吐芳訊，慰我夙昔抱。

送應顯夫之上饒

細雨杏花斑，飛々燕子還。人隨烟棹去，門對釣磯閑。
曉月偏驚夢，春雲不離山。定知多好句，吾問盍相關。

寄葛元成

子規啼不歇，君向越山聽。既已踈吟伴，誰當共酒罍。
松花全是粉，柳絮半為萍。自笑無生計，閑養相鶴經。
有懷蔡貫之子与

相看計尽非，息影更何疑。几日鴈初過，一冬寒較遲。
竹宜和雪看，梅好帶花移。只此清貧趣，知心者是誰。

白鶴寺

戴文子

子晉昔游處，平臺片石成。寺名猶記鶴，松響却疑笙。
岩壁飛雙瀑，金沙照一泓。野人豈仙伴，隨鹿過溪行。

送項季約赴成都鈴幹呈洪倅

辟奏來從日所知，蜀天万里去嫌遲。清油幕建元寮，
貴錦領首參小校。隨千古，泪痕諸葛事，十分行色杜
家詩。益州別駕如相問，為說思君州檄時。

送盧次夔赴仲父校書之招

離家向京國，客思獨從容。有句詩人賞，無書館吏供。
蟄雷先一月，晴嶺蓄千峰。馬上思親處，題緘寄所逢。

括溪停舟

趙叔魯 汝迂

樹古半成槎，溪邊歷歷斜。寒林欲無路，小塢不多家。
去客背流葉，停舟見暮鴉。朝：省秋水頻減，一痕沙。

四全規細涼

林宮暑自薄，短簟逸人眠。樹繁來時馬，風移聽處蟬。
藥童清入畫，道士默如禪。忽憶山中雪，瘦梅逋老肝。

哭趙蹈中

族老今為海內伶，清名多是布衣傳。一封表乞從師，
郡千里神寒。覓句年水鏡，照人前日政。兩絲吹旆別，
時船離家憶。值梅初白，梅未成陰，失此美。

朱令招作社戲

杜子野 未

閑官得趣宰官行農務村、早辦耕燕子知時還記
舊社公合雨却成晴登壇飲福雖無稱割肉懷歸似
有情宿霧尽披山歷々賣花人起欲天明

題李少保家傳

將軍忠憤世無雙忍見狂童作假王全蜀不移唐日
月四州重著漢衣裳節旄凜々風霜在兄弟班班史
傳香若使中營星未殞生擒頡利到危荒

秣晚

獲稻已空霜未落秋風雖老鴈犹遲丹林黃葉斜陽
外絕勝春山暮雨時

小山即事

一閑殊足樂物々入吾詩雨過苔逾碧風來竹裡歌
日長思疇急磨老出茶遲近得邊頭信今當六月師
又

常時常愛酒此夕更登樓月有十分好人無一點愁
雲山開宿霧灯火近清秋何事太孤絕前身是楚囚
遊禪寂寺訪隱居

官閑仍暇日乘興共尋芳夕雨山蹊潤新晴花氣香
春偏藏古寺水漸滿閑塘忽有隱居者留人看海棠

贈陳宗之

往年曾見趙天樂，教說君家書滿^林東。成卷好詩人借看，盈壺名酒母先嘗。對河却見桐陰合，隔壁應聞芸葉香。老不愛文空手出，從今煩為蓄仙方。

重宿紫芝

書窗隔湖水，寒氣倍馮陵。集宿因重到，新詩得再承。月明山入坐，酒渴夜敲冰。為爾二三友，令人去未能。

江西宗派

鄭景輔 天錫

西江一水活春茶，寒谷青灯夜撥花。人比建安多作者，詩從元祐總名家。宮商迭奏絃邊，鴈鼓吹多都慚井底蛙。身在天南心太史，几番搔首夕陽斜。

秋意

蔣太璞 廷玉

秋意如詩淡，又如湘水清。無家人易感，有笔^西墨難成。月冷砧千杵，江空鴈一聲。夢回蕉葉上，殘雨几番鳴。

淨刹

碑上文難讀，開山失所傳。若松秋落子，石井夜添泉。地曠常多月，厨寒不起烟。昔年曾有虎，來到寺門前。

遣懷五首寄致道

謝希孟 直

負者士之常，富亦我所欲。得常誰可厭，逐欲何由足。荒哉化蝶翁，微歛監河粟。人命如綫日，頭不盈兩。俛仰天地間，何由謝羈束。

時命各有遇何言富与貧有来疾雷電決去微埃塵
坐令臣、者視此為鬼神既有得失患自忘情性真
所以首陽山昔有餓死人

君子不謀食士固食于人飢餓自有責何足煩吾神
拂几展戎書訣讀困塞屯義文与周孔可鑒道屈信
歎歎眼中事悠、塵間身

生當益于人為道固不同賜也乃結駟回也乃屢空
憶昔年少壯未知理穷通收身百憂餘自置寂寞中
餽粥僅可繼當為七十翁

在昔營居巢首尾三十年高隣念羈旅分我佳林泉
自從倉幙歸亦買半頃田坐念顏太師粥粥祇益煎
不如邊孝先昼眠暖便、

辰十月八日同希周掃松灵石晚步松下愴
然有懷以數詩示兒妖輩邀希周同賦詩阿
同在新城他日當寄之

寒光轉南陸夕景上喬木層柯蔭修徑疏密散金綠
徇懷載酒入蘿蔓記遐躅行、出林表烟莽際童牧
時有種麥兒揮鉏電翻覆

老樹誰所栽及茲上交益崢嶸仰巨樟秀發於稚松
悠然攬心思慨我百年外我懷引以長天色慘欲晦

投床聞夕鍾擁衾不成醉

長懷邴曼容遠慕蘧伯玉
養志則安能寡過亦所欲
邈哉誤儒冠坐使衣食促
蠹書不論金終身未易讀
灑掃慚老僧日食糗一粥

先公為直言蔡林古無書
家負責宦箱編篋聚所餘
取之寫文字瑣細行蟲蛆
遂令後奕世衣冠出門闕
今為執政孫孝与不孝欤

小夫智解短錐刀競其身
養志与養体孰為能事親
堂：父母軀浩：仁義貧
此貧不以道此樂豈非真
我知我天与人言曷天民

昔在井田日一民本非四
農隙或工商其秀乃稱士
是知桑永間可以寄書史
時非長桀耦時得伊傳事
率先優游哉吾道其簡易

淵明真孝者餘事聊為詩
我讀命子篇愴彼已為辭
後來杜陵翁自笑身長兒
我昔過庭日教誨真炭師
表：暮我泪灑：墳樹枝

長懷際天淵短懷在肩曉
吾門起典午台從今五葉
中原氣象屬前輩風流接
奈何不竟書而欲事作業
感此懷短長賦詩寫胸脅

野外即事

吳巨川 濟

橫木渡前溪，曛深路欲迷。
瘦筇語石老，屐帶新泥。
盡日綠陰冷，有時黃鳥啼。
多情双蛺蝶，飛傍帽簷低。

欄邊

潮信欄邊見人家，樹杪分筍邊。
鞭遮過蟻蛛網，礙飛蚊。
松古藏靈藥，山高落冷雲。
吾庐遠城市，花竹故欣欣。

鮑家田

搖旆家，酒收犁處，村草深迷井口。
槿密籬，日根綠水明秋本，青山失燒痕。
多應忘菴事，畏客掩柴門。

秋興

傷秋愁不斷，隣杵已鳴霜。
空扇寫收影，新篔蟻帶香。

踈花停嬾蝶，細柳庇寒螿。
落葉無人掃，庭空下夕陽。

酬陳校書見寄

趙端行 希道

日長松院靜，孤坐對殘編。
雨久波平岬，山高燒接天。
春醒茶可解，詩病藥難痊。
独喜居清政，南中客共傳。

白鶴閑

危亭石作閑，假道一躋攀。
白鶴何年去，青松尽日閑。
坐時聞遠水，望處小他山。
衲子雲衣厚，寒犹宿此間。

贈刘隐居

幽居雜嶺雲，清過晉時人。
孝苦常如病，家和不見貧。
雪消畦溜急，春近燒痕新。
寒燭半明滅，通宵語意真。

李長吉

柯東海 夢得

天遣皇孫二十七，若木望來高几尺。
行空万里是祥雲，入地千年成琥珀。
玉樓渺漠無人到，高臺自古悲風早。
碧雲盡處是天衢，更沒青：河畔州。

陌上桑

朝採陌上桑，暮採陌上桑。
一桑十日採，不見薄情郎。
正是吳頭桑葉綠，行人莫唱江南曲。

見舊題壁

小遲点笔醉还嗔，昼断萧梁古佛塵。
今日重来應抵掌，十年分付未逢人。

晚望

無數寒鴉來遠鍾，物華心跡偶然同。
不知海北江南路，更有愁人立晚風。

秋懷五首

李恭甫 謙

西風入商管，衆木夜有声。
候蟲竟何為，聒：終夕鳴。
彼亦有所思，感此歲月征。
人生豈吳遠，長嘯一拊楹。
離：牽牛花縈蔓，遠叢棘。
秋風一披拂，苒：弄寒色。
物芳時輒改，百歲几食息。
長憂髀肉生，悲歌涕霑臆。
敗壁鳴莎鷄，涼月照虛堂。
南隣扞杼声，燁：灯火光。
遙聞誰家砧，已趣公子裳。
佳人在可許，葉落山中霜。

英、庭前蘭密、園中挂涼飈、駕遠馥素景、饒清矍
我居無俗物、二子時相詣、願言未為好、千載成幽契
東籬數叢菊、已着金粟蕊、重陽能几時、使我日屈指
向來陶淵明、勿謂今已矣、我欲置樽酒、採之雜浮蟻

題太和樓壁

太和酒樓三百間、大槽昼夜聲潺湲、千夫承糟萬夫
甕、有酒如海糟如山、銅錫鎔盡危山雪、金波湧出西
湖月、星宮瓊漿天下無、九醞仙方誰漏泄、皇都春色
滿錢塘、蘓小當壚酒倍香、席分珠履三千客、後列金
釵十二行、一座行觴歌一曲、樓東聲斷樓西續、就中
茜袖擁紅牙、春蔥不露人如玉、今年和氣充華夷、遊
人不醉終不歸、金貂玉麈寧論價、對月逢花能幾時
有箇酒仙人不識、幅中大袖豪無敵、醉後題詩自不
知、但見龍蛇滿東壁

前賢小集拾遺卷第四

新月

胡伯正 時中

星珠錯落飛破鏡
玉斧應須及時整
雖然光細輪未
安
猶得山河半邊影
凡人矯首望婵娟
三五二八清
光圓光被四表
千萬年不獨長掛西南天

清明行

憶昔父母康健時
清明携我上丘墟
如今清明我獨
來
却將小兒拜先塚
凝情東風泪滿衣
江山雖是昔
人非兒
今問我悲何事
此意他年汝自知

還請師州倭

王中玉 珉

跣足山行踐綠蕪道人應念我崎嶇
还将達磨西歸履暫作玉喬羽化
鳧為愛輕鬆宜踏石更怜瀟灑勝
聯珠還君旧物君收取認得拖泥帶水無

舟行吳應求惜春次韻

弄日嬌雲未肯收暫憑堤柳繫行舟
數聲杜宇碧山遠几片落花春水流
強借酒兵銷别恨却回詩債起
新愁嗟予已豎降旗久寄語將軍好罷休

汪彥章內翰除守臨川以詩賀之

魯吉甫

臨川內史史詔除誰里巷傳聞報客知
金馬門深魯州

制水精宮冷近題詩行看畫隼旌旗入
定把書麟笔札隨君訪毗耶旧居士無
人間疾鬢成絲

讀呂居仁舊詩有懷其人作詩寄之

學詩如參禪慎勿參死句縱橫無不可
乃在散喜處又如孝仙子幸若終不遇
忽然毛骨換政用口訣故居仁說話去
大意欲人悟常言古作者一一從此路
豈惟如是說寔亦造佳處其圓如金彈
所回向若脫兔風吹春空雪頃刻多態度
鏘然奏琴筑間以八珍具人誰無口耳
寧不起欣慕一編落吾手貪讀不能去
嘗疑君胸中食飲但風露徑年闕親近
方寸滿塵務

足音何時來招喚亦云屢賤于當為君移家七閩住

三衢道中

梅子黃時日日晴小溪泛盡却山行綠陰不減來時
路添得黃鸝四五聲

晚步

陳德召 棠

晚步沙頭倚小晴南山正與暮雲橫
栖鴉啼處野烟合飛鳥去邊孤月生
樹暗風微花氣度溪深雨漲水
痕午夜闌衣濕迷歸路
髣髴前村灯火明

觀送迎有感

趙德莊 彦瑞

來車去馬何紛紛城西三日吹沙塵
道旁鶴立亂青紫千騎夾轂弓刀陳
共誇官軍勢雄威腰下黃金大
印舊人桃李已成蹊新尹号令風
雲馳迎新爭勤送爭遠相劝行
：畏天晚西風折柳翠不禁
落日轉旗紅半掩別筵泪粉
犹霑衣旌旗昼戟重光輝堂前
昨夜語離筵朝來賀屢成
惟飛江南陌上多芳艸長
短亭邊貴人老君不見田間
有客徒步歸年比使君
白髮少

梅花

惠敬之 瑞方

美人空谷抱志苦貞潔不孝桃李顏
甘在枯朽列素衣飄白雲玉佩綴
明月肌膚炯凝脂容色眩春雪

臨風一笑繫皓齒何瑩澈破鏡忽上天寒影浸瑤闕
少時看玉立相視已華髮人陳花自新花巧人更拙
勿言花不耐人竟被花閱付之一尊酒調以三寸舌

新安採樵行

沈明遠作詰

種粟上山椒種禾水沒腰田家作苦不如樵炊桂之
地甚不遙一艘千束莫復朝順風順水不動撓歸來
醉飽吹短簫野花挿鬢樵女嬌農夫忍飢自芸苗粟
米自熟暖自朽明年賣田賣山去誰能辛苦輸王賦
一年春事五更初夢覺寒香乍有無門外不知添淺
雪只應消瘦玉肌膚

雪夜問梅

姜伯玉補之

送客

惠茂吉迪

開懷有佳子我別不忍別連宵攬衣忙就月歌數闋
歌長月欲落酒盡情更切凌晨：独行祖贈餘麴蘖
昨語已如夢今語無對說待得歸來時楊花滿天雪

贈陳宗之

周晋仙文璞

伊吾声裡過年：收拾旁行亦可怜頻嗅芸香心欲
醉為尋脉望眼應穿屐詩苦似悲秋客收價清于賣
卜錢吳下吳書渾未就每逢佳處輒留連

望洞陽

蔡仲平宰

歲事今無几清霜苦見侵寒深落鴈渚風急搗衣砧
翠縠紋秋水斑綃縷霧林洞陽棲隱地樓觀白雲深
題采石蛾眉山 無名氏
一鳥烽烟幹怒流燃犀捉月兩悠悠蛾眉中劍三千
丈不著人間半點愁

題大寧寺

弱竹分陰過短籬小窓清坐日平西山禽只作無人
看款款風枝自在啼

麗人行

王民瞻 庭珪

桃葉山前宮漏遲宮人傍輦持花枝君王喜憑絳仙
立殿脚爭登雙長眉欲抱琵琶弹出塞結綺臨春時
事改井邊忽見張麗華忍聽後庭歌一舟

張特搯携徐獻之侍郎書見訪兼出示著述
中興論諸雜文為賦詩一篇以文軸還之佗
日亦錄寄獻之也

君不能徒步上書獻天子又不能移書帝城結子公
欲將筆力扛九鼎紙上有說能平戎宣和治極久忘
戰羯奴騎馬嘶淮甸是時犹屯百萬師無人北向放
一箭大臣搏手知何為草間公卿兒女啼至今謀國
無上策讀君斷藁令人悲君家人物照青汗曲江獨

識胡雛孔佗年論事要回天應向荊州尋好漢

夜蛾光

碧眼銀鬚粉撲衣又隨雪柳趁燈輝怕寒還戀南華
夢凝佇釵頭未肯飛

牽牛花

一泓天水染銖衣生怕紅埃透日蜚急整離：蒼玉
珮曉雲光裡渡河歸

緋桃

衣裁湘纈態纖穠犹在瑤池午醉中嫌近清明時節
冷趁渠新火一番紅

讀劉夢得集

李公甫列

一詠桃花謫九年何如兵衛日高眠苦嫌不得文章
力得力教君更可憐

記夢

壯志已違黃鵠下老身合占白鷗前夜來耿々江湖
夢秋水長天一釣船

江上

董仲達穎

萬頃滄江萬頃秋鏡天飛雪一雙鷗摩挲數尺沙邊
柳待汝成陰繫釣舟

次韻張晉彥秋日

王正夫從

地迥高樓目天寒故國心江鷗無万里雲木自千尋
門掩斜陽下人歸落葉深風前悵何許入耳越卿吟

分水道中

陳伯和 頃

午回思茶無處煎溪橋側畔認炊烟松窻竹牖人家
靜旋借沙瓶汲澗泉

懷陸仲仁

李葵伯 處權

陸郎好古心不俗雅似王郎愛修竹綠陰清昼坐焚
香想見人琴兩如玉尺書招我未暇吳發從君醉
醺醪秋風滿院木犀繁明月飛來花底宿

臨川郎中寄季和弟

李季章 壁

勅使傳宣泛食時去年今日侍危墀江城牢落追前
事一寸丹心只自知

平生曠達慕莊周老竟悲來不自由郎裡憶君頻夢
見遙傳掬泪過江州

雙廟

劉彥冲 子翬

無復連雲戰鼓悲英風凜冽在雙祠氣吞驕虜方張
日恨滿孤城欲破時幽鳥自啼簷際樹夕陽空照路
傍碑平生不作脂膏意倚棹哀吟兩鬢絲

柳

休為常輕定復飄間梅遮杏得春饒別離處添愁

色夙兩年、換舊條拂尾半枯陶令宅
沿溪不斷瀟
陵橋淒涼又見千門綠野老當時恨未銷

舟中聞木犀

李穎士 叔達

地近孤城水合流天風吹下廣寒秋
岩花似喜幽人
至先遣清香到小舟

京仲遠席上口占二畫 來子儀梓 子猷

訪戴

四山搖玉夜光浮一舸玻璃凝不流
若使過門相見
了千年夙致一時休

杜甫進春

典盡春衣不肯歸
熊兒扶過灤溪西
傷時怀抱深於
海掠眼風光醉似泥

贈蕭光祖

周信道 孚

之子固絕俗少年甘寂寥
田園一畝曠書卷百牛腰
雪徑晴犹凍烟江晚不潮
箇中勤著語老耳待聞韶
洪致遠屢來問詩作長句遺之

君不見伯倫平生老閉關
祇有一頌苗人間
懷鉛抱
槧亦何益
惠子五車終不傳
我今所見益如此
堆按
文書藏鼠矢
自知老境要灰心
却笑少時空血指
勞
君日來徵詩試欲把
筆心自疑無益已老稍識恥

安敢唐突西施為古人作詩有成法句欲圓轉字欲活始循規矩後變化如以金丹蛻凡骨君試停盃參此語莫笑前人用心苦只今孰是前輩詩風漪作文君記取

宋公佐座上分韻得樓字

誰謂子青眼不嫌予白頭共穿康樂屐未醉仲宣樓風定江猶怒雲高雨欲休西山多爽氣吾忍賦悲秋

寄陳道人

瘦筇盤礴越江邊笑我孤灯照夜禪當日期穿水牯鼻暮年犹著野狐涎忙中弦望驚三易聖處塔庭讓

一先曾約芒屨踐雲雨快來相見已新年

休洗紅

潘子尚 葛民

休洗紅洗多紅色淺不似妾接藍接藍手先染藍深如妾心即心紅不禁去趁春華封侯早還家願作

兔絲蔓莫季菖蒲花

蝴蝶花

春光白日長蝴蝶飛過牆飛：不停去何杜牆外誰

家菜花黃出門不知南陌路心隨蝴蝶尋郎處

田家春日

黃季岑 次山

緯竹梁溪面誅茅舍道傍晴收冰下紙春課社前薑

露竹井羊長風花杖屐香人生但如此官獨為誰忙

風鈴

胡達卿朝穎

風不能調碎玉聲官商濫奏竟難名誰家稚女敲方響一曲從頭字不成

旅夜書懷

十日春光九日陰故關千里未歸心遙於兒女寒窗底指點燈花語夜深

春遊

風烟冉草萋乍雨還晴不作泥粉蝶亂隨花片妥黃鸝雙壓柳枝低一灣綠水明鳧影數里青山送

馬蹄無限春光吟不盡浮紅浪紫望中迷

仰止亭

鮑係甫 植

昔年魯此戀青山几度秋風入夢寒想得玉岑回合處夕陽依舊滿朱闌

贈遇上人

一袖一空身凝然意不系愛閑全似我無累已輸君野寺同聽水春山獨看雲有疑仍了取此外不須聞

送周子靜分教桂陽

當時身不顧義激自諸生一日魁南省無人不識名官尋流水在路趁落花登遙想憑高處嶽雲千萬層

夜書山驛

沈必先 与求

天寒夜向闌，月出山更靜。
風露搖青空，万象光耿耿。
啼鴛泣幽草，賓鴻度前嶺。
歸來坐孤牕，松竹舞清影。

吳江阻雨過豁然閣次周廉彥韻

花鴨呼群自拍浮，何人蓑笠在孤舟。
半生已負江湖約，不謂經行得暫留。
漾漾小雨麥秋天，江上人家欲暮烟。
行客未能忘勝處，繫舡來看白鷗眠。

過嘉禾野塘

木末孤烟起夕炊，茅簷直下釣魚磯。
蒼茫遠水連天碧，一葉短篷何處歸。

歸鄉

窮巷歸來已白頭，結茅何必傍休休。
好山當戶碧雲晚，明月滿溪寒葦秋。
詩社縱添新句法，醉鄉難覓舊交遊。
平生幸自無機械，一棹夷猶去狎鷗。

過臨平

黃幼張 復之

孤蹤逐浪萍，几度過臨平。
人語水相應，帆移山倒行。
鷺飛秋嶼冷，虹飲晚川明。
不是憑詩句，丹青寫得成。

題扇面六言

峽束天圍漸小，林穿日脚微明。
竹居有徑誰掃，水碓

無人自鳴

浙江晚眺

越口對吳頭，風烟盡出秋帆遙。疑不動，漚下若相投。
雲欽山，爭出潮生水。送流平生得意處，盃酒凭江樓。

挈春操為謝畊道作

黃元易

簡

東山兮雲浮，東澗兮雨流失。今不勤兮曷其有，秋水
淫兮石齧田。碣磔兮一畦九折，予勞兮何辭牛奚罪。
兮從予以羸眇良疇兮，彌楚獨功倍兮。刈寡雖然不
愈于無田而游兮，歲晏淒其桑落之下。

秋懷寄陳宗之

秋聲四壁動，寒事日駸。紅剝林間子，青除架底陰。
積閑殊有味，安拙本無心。獨愧陳徵士，賒書不問金。

招荆江游子

衝風逐飛雲，庭葉紛墜。搖蕩子久不歸，佳人坐中老。
蕭蕭楚山晚，湛湛江水流。經從望夫石，那得不回頭。

登武昌南樓

十萬鱗，俯綉甍。拂雲白，蒼嶂崢嶸。江趁座右，雙流
合山入屏間。八字橫，福史醉魂荒。樹遠庾，即塵骨古。
苔生興來，朗拍欄干，立不必重騎碧海鯨。

前賢小集拾遺卷第五

修々窻前蘆

鄭亨仲 剛中

修々窻前蘆孤瘦倚青玉心虛知夜涼風葉亂相觸
使我入幽夢如在江湖宿方茲困矣曦愛尔眼中綠
奈何柔脆姿行犯秋氣肅霏々霜露中菱荷等摧覆
大抵無勁節不及歲寒竹

竹間見梅

曹元寵 組

霜雪俱冷節操奇碧鮮紅潤兩相宜渭濱初種謾千
畝隄上寄來惟一枝酸寒不供飢鳳啄暗香翻許此
君知佳人零落空山久况是天寒日暮時

聞鳩鳴有感

鳴鳩一聲斑竹林懷遠感時驚寸心却憶南園春半
後蓀花如雪艸初深

鴛鴦

蘋洲花嶼接江湖頭白成雙得自如春院有時描一
對日長消盡綉工夫

翡翠

窺魚潛立小荷圓照水飛鳴更碧鮮聞艸人歸尋墜
翼綺窓歸去補花鈿

秋夜宿李

促織聲中破月懸水生寒氣近湖邊城頭三鼓夜方
半窓下一灯人未眠辛苦詩書於此日奮飛功業定
何年太平干祿無他徑只有鄉書可荐賢

汴上小雨渡靈

張全真 守

堤沙不起潤如酥坐看飛雲自卷舒阨麥人閑牛舐
犢柳陂波淺鷺窺魚殘花糝徑東風後碧草黏天暮
雨初分付榮枯蝸兩角濁醪青杏送春餘

閨怨二首

司馬才仲 想

銷盡輕寒不自禁新愁唯向靜中深尋常曾入三更
夢咫尺空論萬里心人去鳳帟雲漠漠鴈回珠箔日

沉：春風洞口花長在只許劉郎一度尋

又

綉簾珠箔一重：十里香風入眼濃鏡合紫鸞未有
信雲深青鳥去無蹤楚王臺下尋常見宋玉墻頭取
次逢可惜好花攀折尽飄零芳藥付游蜂

途中阻雨

李子至 若川

高雲無急雨飛灑如絲輕幽人動羈思冒雨登歸程
風來曉烟亂雲破春山明眷言憇荒館我懷有餘靖
壺中載濁酒飲罷還自傾酒尽興不尽閑：山鳥鳴

三韻雜詠七首

礎潤識欲雨月暈知有風大哉天地理机熟潜可通
念彼在世人心隱無由窮

斯人吳好惡是非汨真情鶴有翅莫飛蛇無足能行
世事亦如此未可一槩評

足隨意以行目惟心所視若必待使之動作即相庆
是故造自然斯為理之至

鷺白固匪珍鴉黑亦非貴使其色相反人皆競稱瑞
世情唯尚奇在理則為蔽

足安咫尺地臨險生憂危世故日絲擾逐物心难持
心安境亦定禍福安能移

一氣有清濁二儀成衆載魚鳥各飛潛
卅木異榮敗不膏乃至齊造化所以大
瞽者不視色聵者不聽聲觀其動作間
視聽由心生一心苟有蔽耳目絕聰明

夜泊富陽

弭楫富春岼江潮侵夜生扁舟人未寐
風動菰蒲聲群物漸已息客懷有餘清
開蓬坐深夜月在雲間明遠眺江水滴
仰視天河橫念此復何極曠然千古情
恨阻心中侶濁醪相與傾

理舟

為客始逾月迢迢若經年晝永空館寂
古木參雲烟我生聞道淺未能超世緣
念此方寸地憂喜相縈纏今晨動幽興
沙岼泊歸船岼遠望不極歸思隨長川

村社歌

清晚齶齶鳴社鼓前村後村走兒女
田家釀錢共賽神謝神時晴復時雨
案具肴酒炉有香老巫禱祝躬案傍
頌得年々被神福秋宜稻穀春宜桑
人淳禮簡酒無教歌笑喧闐日將暮
田翁歆側醉歸來山頭明月山前路

蠶婦詞

舍前舍後桑成林，鋤壟不放青。艸侵東風滿，條新葉
大村家愛此，輕黃金日暖。春蚕大眠起，戢戢盈箱齊。
若指看蚕新婦，夜不眠。蚕老登山滿，家喜阿姑嗔。辦
縹車遲，小姑已催修織。机殺鸡沽酒，賽神福今。步不
怕寒無衣。

獨酌

兀坐起，往念新愁。忽來侵鬱，不自怡。開樽獨盈斟。
彘盃對孤影，浩蕩生幽襟。百慮遂消散，無復縈我心。
修篁尔何情，風中來清音。不覓日已晏，四面山沉沉。
超遙醉中，這頽然忘古。今染翰記所寓，音屬自成吟。
青秧出水細，于鍼嫩葉初。齊綠未深，又是一年春欲
盡。杖藜乘興，足幽尋。

同友人泛舟至仁王

劉無言 素

題三角亭

俞退翁 汝尚

奇哉山中，人掃此池。上宇蕙徑斜，映帶林烟。尽吞吐
春無四向，花夜久一簷。雨寄傲，足有餘。何須循廣廡。
過淮陰侯廟

當時謀戰不謀安，將衆多。是禍端。万壘在前，攻掠
易四方。無事保全，難曉堂鍾鼓。修淮祀古壁，旌旗擁
漢官。天下息肩，兵革定一瞻。祀宇一長歡。

遊清涼寺

吳思道可

延步石城塢迢迢去興長野田耕晚雨寒樹倚斜陽
載酒追狂客論才得漫郎無目遂高蹈時復借山房

春竹

渭川分一種親植隱嵩東有寔終來鳳無心自化危
踈陰留夜月清韻起秋風待春鼈竿就滄浪作釣翁

寄西湖擇栖公

鮑戢方當

兩信海潮喧朝夕百年事過無遺跡旧住招提有几
人春風苔長湖邊石

春日樓上

石曼卿延年

水樹春烟重庭花午影圓人邊無限地鳥外有餘天

春陰

寒食少天色春風多柳花倚樓心目亂不覓見棲鴉

榴花

王母庭前親見栽張騫偷得下天來誰家巧婦殘針
線一撮生紅熨不開

得呂元直書天台鄣外治園林作退老堂求

詩

李伯紀綱

獵得非熊自渭濱釣璜賜履定前身功高浴日千山
曉力巨回天萬國春暫輟岩廊調鼎手來為林壑採

芝人片帆雲海無多地歎息何緣廁末賓

周遭疊嶂俛清流卜築園林事事幽春日鶯花隨袞
綉秋來松菊照林丘謝公終為蒼生起裴相聊為綠
野謀聖主思美方仄席未應長伴赤松遊

奉寄呂丞相元直

出擁瑤戈入袞衣江城重詠我公歸手扶日月還黃
道足履星辰上紫微已集群英照帝載好施長策復
邦畿海濱病叟無他望側耳天聲暢國威

宿棲霞觀

鮑賅方當

一宵會清境不悟世間憂天共白雲曉水和明月流

碧烟生藻井紅日映花樓顧我無道氣拂衣難少留

送人南歸

淒淒楊柳暮時渡一蟬聲滄海不可極風帆難計程
微烟生晚浦斜日上孤城欲寄相思札誰傳万里情

江干小雪

司馬才叔

楓落吳江小雪天三三兩兩捕魚舫蹇馱瘦馬何方
客眼看風波不着鞭

妾薄命

近有里中弄子弄其妻者戲為賦之

二月春風初不惡後園桃李先春落高堂去婦對花
愁君恩非輕妾命薄憶昔三星光在天煌煌車馬朱

門前結福幸得事君子願託絲蘿千萬年履痕終遍
君家地相看已竟君心吳門外新惟一破顏室中舊
愛双垂泪妾比心玉自堅貞君眼如星到處明女子
睽離太山重丈夫弃置鴻毛輕莫夸綠髮紅顏好女
色由来何可保君不見灞上銜輿被襪回阿嬌已向
長門老

春晚獨游鳳林園

紅英亂點綠苔錢林影扶疎翠可憐飛蝶惹殘花上
露戲魚搖碎水中天金羈不見尋芳馬蘭橈空停載
酒船送尽春歸人未老一作亦去鶯啼花發又明年

寄唐子方殿院

陳師道 洙

子方簪筆侍丹墀憂國忘家世所知三諫未終先竄
逐一身雖賤繫安危火中圭壁含真彩雪外杉松挺
直枝荆楚秋風共誰語勸君頻訪賈生祠

遊雲際山

清曉捫蘿踏嶺雲寒風飛溜濕衣巾上攀霄漢無多
地直視城闔幾點塵古木半陰藏宿霧山禽相語厭
遊人明年更補闕中吏來看桃花爛熳春

吳耿先生还北山舊居

蒼浪兩鬢班盍意六經間有術佐明主無官掃故山

釣臺春水碧吟榭暮雲間見說遷家_後重將舊史刪

宿西軒

任德翁 伯雨

菀簷不動晚風微獨對爐煙枕半歌惟有多情沙上月依然青瑣照人時

焚香有感

掃地焚香開竹扉輕煙郁_、間朝暉却思昔日延和殿對罷曾携滿袖歸

寄淮南親舊

陳知明

一別淮南二十年壽陽風物想依然秋深峽石山頭寺夜靜浮橋月下船茅酒沽來常滿斗白魚買得不

論錢甚時晚此塵埃地快意飛帆入楚烟

試筆

羅正之_適

金門秃笔積如山黃澗磨煤夜不乾試借荐賢書葉看應無一字及孤寒

謾成

鄭介夫 俠

袖帽麻衣君勿輕有如華袞貴難名人須自力方能立事若無誠斷不成倚物蔓條終嫩脆冒霜寒栢始堅貞男兒一副黃金骨莫奈伊阿浪死生

敷淺原_{見桃花}

劉中叟 次莊

桃花雨過碎紅飛半逐溪流半染泥何處新來双燕

子一時啣在杏園西

江神詞

髻插幽蘭花手把菖蒲葉漁郎偷語人云是江神妾
江神昨日鼓雲濤開帆拍天上千艘吳州女兒弄春
水浪濕船頭紅錦袍

遊華山張超谷

魯三江文

太華鎖深谷我來真景多有苗皆是葉無石不生雲
急瀑和烟瀉清猿帶雨聞幽棲未忍別峰半日將曛
有寄

思君又是東風起樓倚浮雲目千里芳艸不知人斷

腸帶煙帶雨連春水

江樓晴望

江干一雨收霽色染新愁遠水碧千里夕陽紅半樓
笛寒漁浦晚山翠海門秋更待牛津月表宏欲泛舟

燭

暖煙紅燼兩飄香珠箔沉、下建章有焰只憑心一
寸無愁虛滴泪千行流蘇帳裏回殘夢白玉臺邊映
宿粧若到蓬山留夜直金蓮應照珮鏘

清夜吟

露華清八極吟上小樓東月色水鋪地鴈聲秋滿空

明河欲瀉浪瘦竹自生風坐久心骨爽此懷誰與同

蜂兒行

汪彥章藻

蜜蜂以蜜為生涯為人採蜜安于花霜蜂常恐奇禍
作深崖大壑懸其家生兒字乳自毫末幻成玉蛹肩
相差分房戩、運旋于擁戶媚、蘭茁芽驚猜肯使
樵牧近千尾負毒爭防遮那知長安貴公子酒酣咀
爾不搖牙登盤未辨翅与股百金構買囊紅紗琴魚
謾傳仙物美桂蠹空取蜜方賒吾聞厚味古所戒暴
及卵胎寧非奢合圍火攻無脫者奔族孥戮奚罪耶
厥包作貢自誰始送今可吊不可誇

旅次

一春略無十日晴處、淡雲將雨行野田春水碧如
鏡人影渡傍鷗不驚桃花嫣然出籬笑似開未開最
有情茅茨煙暝客衣濕破夢午鷄啼一聲

却丘書事

琅輿深出未央門十里靈壇氣象尊珪壁三千周典
備貔貅百萬漢兵屯青城浮靄連霜動黃道微風帶
日温不用靈光符聖武送來精稜吞乾坤

蠶婦行

樹頭恰、晴鳩喜上已人家掃蠶蠶紙窗茅屋春雨

寒買炭添爐中夜起平明採葉晞露痕隨刀翠縷如
絲勻三眠欲食春已老旋炊新麥祀蠶神咽明足緊
解魚簇猶向前溪問茅卜東隣西里相憇憇借問今
年几分熟保車軌、柔陰涼主家人立鴻鴈行然成
不得半縷著一生麻紵隨風霜

送毗陵太守受代東歸

往年我見新安民人人能說使君使君本一儒者
耳數十載來嗟未聞我聞屈指今州縣似此賢侯當
識面那知漂泊千里餘畫戟清香日陪宴使君何以
人不如曾中政有萬卷書清真簡淡乃天性文章政
事猶其餘向來天子留君住重与毗陵三萬戶誰教
一曲渭城歌忽作梨花枝上兩官游南北安得同拊
循凋郡還頌公人生五馬亦不惡與民處、為春風

觀弄獅子

朱新仲 翌

狡獪日走二百里於菟聞之望風靡春晴酌酒大合
樂乃向尊前應宮徵嘖呻奮迅左右頽樞馬悲鳴汗
流水供官自古歲太常失脚何年落村裏佛居勝義
空谷中吼法怖魔如此耳人間宜假不宜真此理我
今得之矣